


Granmaa banaana dem



 Ursula Nafula

 Catherine Groenewald

 Georgette McGlashen

 4

 Patwa jam




Granmaa gyaadn did nais-nais, fol a sogm, milet, an kasaava. Bot di bes a did di banaana dem. Alduo Granmaa did av nof granpikni, mi di nuo anda di kwaiyat se mi a did ar fievarit. Shi mek mi kom a ar yaad aal di taim. Shi tel mi likl siikrit tingz. Bot shi did av wan siikrit we shi no tel mi: which paat shi mek ar banaana dem raip.



Wan die mi si wahn big schraa baaskit inna di son
outsaid a Granmaa ous. Wen mi aks ar se a we it fa,
di onggf ansa mi get a did, "a mi majik baaskit." Said
a di baaskit, a di nof banaana liif we Granmaa ton
uova evritaim. Mi did wel waahn nuo a wa. "We di
liif dem fa, Granmaa?" mi aks ar se. Di onggf ansa
mi get a did, "Dem a mi majik liif dem."



It did intrestin fi wach Granmaa, di banaana dem, di banaana liif dem an di big schraa baaskit. Bot Granmaa sen mi go tu mi mada fi go du sopm. "Granmaa, du, mek mi wach we yu a go mek..." "No bi aadie� pikni, du we mi tel yu fi du," shi se siiros. Mi ron go.



Wen mi kom bak, Granmaa did a siddong outsaid
bot sho neva av no baaskit ar no banaana.

“Granmaa, which paat di baaskit de, we aal a di
banaana dem de, an we...” Bot di onggel ansa mi get
a did, “Dem de inna mi majik plies.” Mi did
disapaintid!



Tuu die afta dat, Granmaa sen mi inna ar bedruum
fi ar waakin stik. Az suuhn az mi uopm di duor,
wahn schrang raip banaana smel lik mi. Pan di
insaid a di ruum a di Granmaa majik schraa baaskit.
It did wel aid wid wahn uol blangkit. Mi lif it op an
tek iihn di nais-nais smel.



Granmaa vais fraitn mi wen shi kaal mi, "We yu a du? Ori op an bring mi stik kom." Mi ori op an kom out wid ar waakin stik. "We yu a smail bout?" Granmaa aks se. A wen shi aks mi riyalaiz se mi stil did a smail bout ou mi fain out ar majik plies.



Di neks die wen Granmaa kom vizit mi mada, mi buolt go a ar yaad fi chek di banaana agen. Wahn wel raip bonch did de de. Afta mi kova di baaskit agen, mi go biyain a di ous an it wan kwik-kwik. A did di swiitis banaana mi eva ties.



Di neks die, wen Granmaa did inna di gyaadn a pik vejitebl, mi sniik go iihn an luk pan di banaana dem. Nieli aal a dem raip. Mi kudn elp bot fi tek a bonch a fuor a dem. Az mi a tiptuo go a di duor, mi ier Granmaa a kaaf outsaid. Mi bieli manij fi aid di banaana dem anda mi frak an waak paas ar.



Di neks die a did maakit die. Granmaa wiek op orli.
Shi alwiez kyari raip banaana an kasaava go sel a di
maakit. Mi neva ori op fi go luk fi ar da die de. Bot
mi kudn avaid ar fi lang.



Lieta inna di iivnin mi mada an faada kaal mi, an Granmaa. Mi did nuo a fi wa. Da nait de az mi lie dong fi sliip, mi nuo se mi kudn tiif agen, no fram granmaa, no fram mi pierens an fi shuor no fram nobadi els.




Global Storybooks

globalstorybooks.net

Granmaa banaana dem

 Ursula Nafula

 Catherine Groenewald

 Georgette McGlashen

